



5 Oktober 2017
5 October 2017
P.U. (A) 303

WARTA KERAJAAN PERSEKUTUAN

*FEDERAL GOVERNMENT
GAZETTE*

KAEDAH-KAEDAH INSOLVENSII (KOS) (PINDAAN) 2017

INSOLVENCY (COST) (AMENDMENT) RULES 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA INSOLVENSII 1967

KAEDAH-KAEDAH INSOLVENSII (KOS) (PINDAAN) 2017

PADA menjalankan kuasa yang diberikan oleh seksyen 123 Akta Insolvensi 1967 [*Akta 360*], Menteri membuat kaedah-kaedah yang berikut:

Nama dan permulaan kuat kuasa

1. (a) Kaedah-kaedah ini bolehlah dinamakan **Kaedah-Kaedah Insolvensi (Kos) (Pindaan) 2017**.

(b) Kaedah-Kaedah ini mula berkuat kuasa pada 6 Oktober 2017.

Pindaan am

2. Kaedah-Kaedah Insolvensi (Kos) 1969 [*P.U. (A) 200/1969*], yang disebut “Kaedah-Kaedah ibu” dalam Kaedah-Kaedah ini, dipinda—

(a) dengan menggantikan perkataan “Pegawai Pemegang Harta” di mana-mana jua terdapat dengan perkataan “Ketua Pengarah Insolvensi”;

(b) dalam teks Bahasa Inggeris dengan menggantikan perkataan “scale” di mana-mana jua terdapat dengan perkataan “Schedule”; dan

(c) dalam teks bahasa kebangsaan—

(i) dengan menggantikan perkataan “belanja” di mana-mana jua terdapat dengan perkataan “kos”;

(ii) dengan menggantikan perkataan “bayaran” di mana-mana jua terdapat dengan perkataan “fi”;

(iii) dengan menggantikan perkataan “siberhutang” di mana-mana jua terdapat dengan perkataan “penghutang”;

- (iv) dengan menggantikan perkataan “sipiutang” di mana-mana jua terdapat dengan perkataan “pemiutang”; dan
- (v) dengan menggantikan perkataan “jadual” dalam di mana-mana jua terdapat dengan perkataan “Jadual”.

Pindaan kaedah 1

3. Kaedah-Kaedah ibu dipinda dalam kaedah 1 dengan memotong subkaedah (b).

Pindaan kaedah 3

4. Kaedah-Kaedah ibu dipinda dalam kaedah 3 dengan menggantikan perkataan “mengikut jadual rendah dalam Jadual Kedua kepada Kaedah² Mahkamah Besar, 1957, dalam Negeri² Tanah Melayu atau kepada Kaedah² Mahkamah Besar di-Sabah atau di-Sarawak yang bersamaan, mengikut mana-mana yang berkenaan” dengan perkataan “Kaedah-Kaedah Mahkamah 2012 [*P.U. (A) 205/2012*]”.

Pindaan kaedah 4

5. Kaedah-Kaedah ibu dipinda dalam kaedah 4 dengan menggantikan perkataan “Negeri² Tanah Melayu, menurut Bahagian 8 Ordinance Peguam dan Peguamchara, 1947, dan Jadual 3 dan 4 kepada-nya,” dengan perkataan “Akta Profesion Undang-Undang 1976 [*Akta 166*]”.

Pindaan kaedah 8

6. Kaedah-Kaedah ibu dipinda dalam kaedah 8 dengan menggantikan perkataan ‘lebih kurang saiznya 13”X8” ’ dengan perkataan “lebih kurang 297mm. (11.69 inci) panjang, 210mm. (8.27 inci) lebar, mempunyai suatu birai, tidak kurang daripada 1 inci lebar yang dibiarkan kosong di kedua-dua belah kertas itu”.

Penggantian kepala dan butiran

7. Kaedah-Kaedah ibu dipinda dengan menggantikan kepala dan butiran selepas kaedah 21 Jadual dengan Jadual yang berikut:

"JADUAL

BIL KOS BAGI PEGUAM CARA PENGHUTANG		
<i>No.</i>	<i>Butiran</i>	<i>Kos yang dibenarkan (RM)</i>
1.	Arahan bagi petisyen penghutang, carian bagi petisyen sebelumnya, menyediakan dan mengaku saksi petisyen, menghadiri penyerahan dan pendengaran petisyen, menemui Ketua Pengarah Insolvensi dengan deposit, semasa memberikannya segala maklumat yang perlu selepas perintah kebangkrutan dibuat dan semasa pemeriksaan awal penghutang, menyediakan bil kos, mendapatkan temu janji untuk penetapan kos, dan salinan notis mengenai dan kehadiran untuk penetapan kos (tidak termasuk fi mahkamah dan perbelanjaan lain sepatutnya yang dilakukan) Nota: Jika sesuatu petisyen terdahulu yang terlepas perhatian tiada kos atau caj selepas tarikh carian hendaklah dibenarkan dan apa-apa jumlah yang dibayar disebabkan petisyen terdahulu terlepas perhatian hendaklah dibayar semula kepada pemiutang atau kepada Ketua Pengarah Insolvensi, mengikut mana-mana yang berkenaan, melainkan jika dibuktikan bahawa carian yang teliti semunasabahnya tidak akan mendedahkan petisyen terdahulu itu	120
2.	Arahan mengenai dan penyediaan persetujuan kepada perintah kebangkrutan atas petisyen pemiutang sekiranya suatu perintah kebangkrutan dibuat dengan persetujuan dalam tempoh empat belas hari selepas penyampaian petisyen Jika aset telah diperaku oleh Ketua Pengarah Insolvensi mungkin akan melebihi RM10,000.00	50 budi bicara
3.	Menemui Ketua Pengarah Insolvensi apabila perintah kebangkrutan dibuat, dan memberikannya segala maklumat yang perlu	20
4.	Surat, utusan, dsb. Caj di bawah butiran 2, 3 dan 4 tidak boleh dibenarkan dalam keadaan yang termasuk di bawah butiran 1	8

<i>Kos peguam cara penghutang apabila memfailkan akuan ketidakmampuan untuk membayar</i>		
5.	Arahan untuk menyediakan dan mengaku saksi akuan ketidakmampuan untuk membayar, termasuk affidavit identiti penghutang (jika dikehendaki)	20
6.	Menghadiri pemfailan Caj di bawah butiran 5 dan 6 tidak boleh dibenarkan dalam keadaan yang termasuk di bawah butiran 1 atau sekiranya penghutang kemudiannya memfailkan petisyen penghutang Perbelanjaan bagi penyerahan hak tidak boleh dibenarkan jika suatu akuan ketidakmampuan untuk membayar akan menjawab bagi maksud itu	8
KOS BIL PEGUAM CARA PEMIUTANG MEMPETISYEN		
<i>Jika tindakan kebangkrupan ialah ketidakpatuhan kepada suatu notis kebangkrupan</i>		
7.	Arahan mengenai dan menyediakan notis dan menyediakan permintaan untuk dikeluarkan	20
8.	Menghadiri pemfailan	8
9.	Notis dan dua salinan bersih	8
10.	Menghadiri pemeteraian notis dan salinan	8
11.	Penyampaian notis	8
12.	Affidavit bagi Penyampaian notis (jika perlu) dan menghadiri angkat sumpah Jika penghutang mengemukakan tuntutan balas atau selainnya mempertikaikan kesahihan notis tersebut, segala caj yang perlu sebagai tambahan kepada yang tersebut di atas hendaklah dibenarkan bagi penelitian affidavit, affidavit balasan atau mendapatkan keterangan lisan, dan suatu fi pendengaran yang boleh ditambah menurut budi bicara	8
<i>Prosiding petisyen</i>		
13.	Arahan bagi petisyen	30
14.	Memeriksa butir-butir akaun pemiutang mempetisyen Jika perbuatan kebangkrupan ialah keingkaran yang dibuat terhadap notis kebangkrupan yang	8